

儒居縣志

240.193

32

05

僊居縣志卷之二十五

詩詞上

詩盛于唐衰于宋僊唐之作者散失靡從索矣宋詩猶有存者未免繫于習然其間豈無一二祖述李杜王孟其人乎而選政復夢七焉互其盡宿瘤也敢將舊載一槩汰去復林蒐而毛吹之惧其薄也惟厚是擇惧其尖也惟渾是登惧其華也惟樸茂是取惧其障腐也惟幽永清遐是錄盖以天下之詩選詩非以僊之詩選詩也今而後陳之太史庶不刺謬于三百篇云

僊居縣志

卷二十五 詩詞上

唐

蔣 琰 字公器高池人乾符間明經累官諫垣與柳公權善

隱居即事

半榻和雲臥碧山飄七似唯一身閒十年不作紅塵夢卓午呼童早閉關

孫 郃 字希韓板橋人乾寧間進士累官秘書郎有傳

古意

魏禮段干木秦王乃止戈小國有其人大國奈之何賢哲信為羨兵甲豈云多

春日早朝



三嚴望仗正徘徊曙色盈七金殿開青瑣侍香扶日
出紫雲護闕擁山來班聯鴛鴦仙官舞影動龍螭淑
氣催禁秘天顏常咫尺欣忭願進萬年杯

後唐

張文伏

字德昭號曲江西門人天成元年進士授准
東安撫奏議歷仕山西太原刺史大中大夫

蒼嶺

絕壁不可攀懸崖不可下路險心自平由來無取舍
穩穩須教着步行前途荆棘胡從生

東范丞相

儂居縣志

卷二十五

詩詞上

二

禁秘同依日月光分宣政拙得遐方半生報國心猶
赤萬里籌邊鬢已蒼却憶西陲跨短馭曾陪東閣賦
長揚迢七雲樹今如許渭朔春深正渺茫

汀窪

狎水恣幽性乘軒非所營沙邊金鏃遠風外編衣輕
芝草和煙綠蘆花共月明湖天凌片影閒結白鷗盟

宋

林放

字達本元祐中將上禮部以親亡廬墓大觀
中詔求八行縣欲以放應不擇去之築草堂
于東山居焉有傳

東山高臥

二間老屋青山幽清風洒洒寒飈脫巾坦腹臥其
下此身直與淵明儔老松飛翠落夏簟六月不暑涼
千秋人生百年一夢幻世間萬事空悠悠一聲野雀
忽驚醒山爐活火茶煙浮

贈琴僧

霜林凋落雲影垂朔風獵獵鼓寒威偶來禪房訪
虛寂上人爲我彈金徽此調悠悠泯千載今日忽聞一
嗟咨上人所彈不在指我亦非于耳聽之霜天玉磬
敲清曉夜月秋聲動翠微舉世紛紜愛箏筑寂寥古
意誰能知過門不是鍾期子慎勿汗漫調朱絲

德居縣志

卷二十五

詩詞上

三

張

昇

字用光文伏次子文行兼優隱居不仕所著
有嘯齋集

灌園

種藿青圭下科頭獨往還鋤雲數武綠戴雨一蓑斑
客到烹春韭風來倚石關三公何足羨捷徑咲南山
蔣旦

字澹然高池人政和五年進士歷仕通判所
著有適齋集詳傳

柘川漁火

原八首今錄其一

桃浪流香吞雨餘漁燈深夜出溪湄半蓬明滅風生
處數點微江月上時影落沙汀鷗夢斷光搖蘆葦雁
棲遲明朝解纜滄浪外濯足船頭唱竹枝

孟大武

字世公以從軍得召或謂卽孟灝政和五年
持節終嚴州司戶

殊勝寺

路入溪聲遠秋深樹影稀岫雲藏鳥語松露滴人衣
詩戰蜂腰怯茶分粥面肥勝遊殊未厭肯為夜寒歸

春日晚望

屋角風微煙霧霏柳絲無力杏花肥朦朧數點斜陽
裏應是呢喃燕子歸

張止信

字叔孚西門人乾興間
茂才仕至大理評事

吳門懷古

館娃宮閣倚雲開舞袖于今安在哉練瀆波心空有
月姑蘇山上更無臺遙怜帆溼人千載獨對江亭酒

僊居縣志

卷二十五

詩詞上

四

一盃古寺蕭七煙雨外鍾聲夜半傍船來

蔣

晉

字造道高池人歷仕
評事歸隱于葛山下

柘川漁火

玉川一帶光涵秋漁艇縱橫網罟稠西風日落寒煙
暝煌七燈火明中流數點如螢走絡繹影趁流波瀉
金液一聲款乃明滅間隣雞又報東方白

吳

芾

字明可厚里人紹興間進士官至龍圖閣直
學士卒謚康肅有傳

登景星巖

道滿三千界潮音未許緘胡為獅子座却上景星岩
天近雲隨步林深翠滴衫我來寧憚遠端欲洗塵凡

登凌敲臺

宦情一似秋容薄歸興渾如酒味濃臺上望鄉何處
是夕陽影裏暮山重

北望

原十首今錄二

延福池臺荆棘深上皇無復更登臨寂寥崇觀當年
事愁絕關河萬里心

其二

漠北黃雲塞草低年七空說翠華歸孤臣泪盡仍嘗
胆白首江湖雁北飛

余一袞

字神童科仕進功即學後人咸平

僊居縣志

卷二十五

詩詞上

五

大興院

松栢迴環路屈盤像堂寂七枕層巒泉清翠茗臨烹
易地僻紅塵欲到難樵斧伐雲春谷暗漁榔敲月夜
溪寒我來未盡登臨興欲去徘徊更倚欄

張勇

字諶中世稱爲浩然先生諡文子西門入詳傳

邀朱晦庵常平看梅

幾度交嗟把袂難皇華按部得盤桓小園種得梅千
樹爲報相過一倚欄

吳詠

字永言芾從兄紹興間進士知南安縣終宜教郎所著有西安集

殊聖寺和孟戎幕韻

院靜僧疑少門幽客自稀山寒雲近屋在狹石鈞衣
松鬣蒼髯古薑芽紫笋肥騷人詩戰罷踏月夜深歸

陳庸字時中車門人紹興二十年進士終江西提刑卒祀鄉賢光祿大夫忠簡公章其子也

江左驛舍寄蔣文湖

雲水蒼七日欲闌郵亭遙憶舊家山故人兩地分南
北幾度相思鬢為斑

陳愿字子愿車門人乾道五年特科終承議郎賜三品服

斗起亭

乞得雨初霽登臨一解顏自携斑竹杖來對白雲山
月色朦朧裡溪聲遠近間相留且盤礴莫惜夜深還

僊居縣志 卷五 詩詞上 六

僧行機姓柳名祥號簡堂居景星岩後居天台國清寺作偈跌坐而化尤尚書褒銘其塔

九日吳龍圖過訪

有客酌佳節携壺叩竹關烏拖秋色去人帶夕陽還
景物催詩急乾坤借我閑了無塵世事終日坐看山

郭晞宗字宗之前山人淳熙五年進士提舉福建市舶瓊管安撫所著有漫齋集

姑蘇臺

春花開秋雁來長風幾度姑蘇臺不見臺上人臺下
空徘徊一樹梧桐生綠苔

白紵詞

遙夜遙七夜未央并梧月白啼寒蛩感時念往誰不

傷疑好寵絕辭昭陽手中團扇篋中藏吳姬織紵秋
蟬翼一絲徃還千情積金粟尺量金斗熨爲君裁袍
爲君惜同盛同衰莫相失

無題

野濶風捲沙江空浪湧屋欲渡恨無梁徘徊結心曲

張次賢

字思齊西門人熙四年進士歷監察御史
左司諫兼侍讀殿中侍御史卒謚文肅所
著有竹坡集疏御監錄

山居雜興

深林樹色翠重山心蝶翅濃好鳥乍啼驚夢

覺可人山色入心

儒居縣志

同陳世宗詩 漁翁宗翫月南峯

投綬歸山月之舊侶可約携筇踏去洞口

之仙踪堪尋適志何必通侯得名不如盃酒

清土之劍曾媿鏤永揮魯陽之戈更慚返

日新字有淚麟閣誰標野性互盟白痴情

還愁 只秋風載酒倚孤岳以躊躇謝友摩

肩俯長流而慷慨嗚呼美人不再佳會難逢

聊賦短章用抒遐緒

山中有佳客山上月增明廊廟心同赤江湖夢獨清

半庭叢樹影萬籟淡秋聲把手情何極呼童問麴生

過郭繼一處士草堂

夔寂塵軒冕辭榮結草茨午雲封石磴春鳥語花枝
茶熟琴三弄詩成酒一卮嗟子長鞅掌暫此共棲遲
郭磊卿 字子奇號兌齋晞宗子嘉定七年進士歷仕至寶章閣待制卒謚正肅有傳

挽張都諫文肅公

更從別駕立朝端白東風生憲府寒宣室每前深夜
席木天時染秘書翰琴思中散人何在崔返遼陽影
已單聖主愴然為輟食九原莫作淚空漫

姜應龍

字升之嘉定十二年特科監南嶽廟

題湘湖

儒居縣志

卷二十五

詩詞上

八

世路羊腸淹客遊塵纓來此濯清流半窻修竹翠含
雨一片澄湖冷浸秋地僻莓苔侵石几機忘鷗鷺近
漁州夜涼酒醒未能睡詩句欲成搔白頭

吳梅卿

字清叔步路人嘉定十六年特科終思州文學所著有經說語錄授徒講學人多師事之
子諒字直翁端平十二年進士終慈溪尉

題淵明愛菊圖

秋菊由來矣願言愛者誰聞道陶彭澤嗜彼獨攷七

嗟亡兮秋菊胡入淵明思我今忽解得不肯告人知

張同甫

字孟莊次賢徑端平二年特科第一人方正寡諧托疾歸隱所著有俗芬興微錄

湯公洞

西點波光映古丘林深雲鎖洞門秋是誰訂我重來
約携手相將到白頭

秋日憶友

閶闔風高白露秋蘆花如雪動邊愁故人迢遞天南
北明月娟七獨倚樓

巴中聞鵲

蜀道雲何慘天津路已非別巢艱寄托何處可歸飛
怨血花枝重春山月色微草茅臣子淚曠世一沾衣
鄭雄飛字景溫號慥堂七里人端平二年進士官至
右庶子戶部侍郎

歸田即事

儒居縣志

卷二十五

詩詞上

九

世事紛輪歲序虛故鄉聊自飽葦鱸柳風春動陶潛
宅湖月晴開范蠡園老去藏身還適俗靜中齊物却
忘予青山應咲歸來晚慚愧疏家二大夫

趙必昇

字允道南城人寶慶間進士以浙漕淮引年
而歸郡請于朝爲建上蔡書院

輓張文肅

東東侵辰入披肝暮始歸乾坤幾時夢歲月一朝違
南國諸生在西隣舊主非向來車馬地詰過一沾衣

陳仁玉

字德翰車門人淳佑十一年以薦特賜進士
終兵部侍郎有芻言永鑑稿

隱真宮

僭之來兮駕五龍霓旌絳節冷然風誰歎擘脯金盤

供垂腰綠髮顏如童五百餘載一瞬中蓬萊水淺來
何從蔡翁悠々與道通雲間杵臼墮半空九井月液
藏其潼赤明浩劫傳無窮坐闕成壞此故宮七前山
色知僊蹤月明笙窟歸長松修身繫行倘可通屑然
爲我達帝聰慶雲甘雲常歲豐

葉秀發

字叔英號雲壁嘉定進士歷吏部官兼侍講纂修國史所著有黃山稿

隱真宮

怪石倚碧空傳有神僊迹元放昔經遊孝先近曾歷
山前無斷碑往事杳難覓麻姑去不回青鳥無消息

張

朴

字從文西門人咸淳元年進士歷秘書監丞

僊居縣志

卷二十五

詩詞上

十

憶旋憇亭

祖道東關外于今已十年未知何日是還向此亭旋
鳥語雲根落桃花嶺上妍深慙頻作客鄉國眼空懸

木筆花

亭七花一樹乍發小牆東碧管描春色丹鋒點化工

凝牕時染翰弄影日書空莫問龍蛇勢臨池興不窮

張天翼

字載輔西門人咸淳十年進士仕至閣門舍人

署中憶弟雙飛

露井天街靜依々河漢明澄江自月色孤壑並秋聲
蛩語經寒候隣機織成情天涯別兄弟喪亂幾時平

同顧狀元玉文登瑞岩

迢已何處覓僊關翠竹蒼崖夕照間倦鳥依已穿石
磴落花歷已點苔斑春錢幾負層霄約首白寧辭絕
壁攀乘興相携遙躡屐一博聊與賦青山

呂徽之

字起猷號六松西昌人博學工詩文勝迹不
仕有雜著集六卷與林放翁同祀三處士
祠載廣興記

題畫梅贈黃君

黃君畫梅天下奇枝已筆底如龍飛幹盤屈曲蒼苔
古老樹頃刻生光輝婆娑月下弄清影更有幽香襲
詩境地僻從無車馬塵間關翠禽啼夢冷

儋州縣志

卷二十五 詩詞上

十一

春

前溪凍解綠生波好雨催花向曉過宿酒未醒眠未
起半窓紅日鳥聲多

夏

竹几藤床石硯屏薰風簾幙篆爐青空齋數點黃梅
雨添得芭蕉綠滿庭

秋

商聲早已到梧桐夜氣生涼湛碧空閑倚小窗待明
月紫簫吹徹木樨風

冬

斗室蕭七日晏眠疎狂惟與懶相便尋常甲子無心
記看到梅花又一年

咏犬 押井字

風恬月朗眠花影吏不叩門七戶靜何事曉來吹一
聲有人來汲門前井

咏蜂 押橋字

長日江頭舞細腰誰家庭院不相招江天二月曉風
細相逐賣花人過橋

紅梅 押牛字

玉屑冰姿色更柔誰將紅粉點枝頭牧童睡起朦朧

僊居縣志

卷十五 詩詞上

十三

眼錯認桃林欲放牛

干松圖

五百居東五百西枝七葉七歷雲低自從老雀歸來

後不許閑禽襍亂啼

翁

森

字秀卿號一瓢下枝人進士從虎之弟隱居
教授世祿此廬先生又號之翁書厨所著
有一瓢集百卷

春讀書樂

山光照檻水遶廊舞雩歸咏春風亦好鳥枝頭亦朋
友落花水面皆文章蹉跎莫遣韶光老人生惟有讀
書好讀書之樂七何如綠滿意前草不除

夏讀書樂

新竹壓簷桑四圍小齋幽敞明朱曦晝長吟罷蟬鳴
樹夜深燼落螢入幃北窗高臥羲皇侶只因素稔讀
書趣讀書之樂亡無窮瑤琴一曲來薰風

秋讀書樂

昨夜庭前葉有聲籬萱花開蟋蟀鳴不覺商意滿林
薄肅然萬籟涵虛清近床賴有短檠在及此讀書功
更倍讀書之樂亡陶亡起弄明月霜天高

各讀書樂

木落水盡千崖枯迥然吾亦見真吾坐對韋編燈動

倦居縣志

卷二十五

詩詞上

三

壁高歌夜半雪壓廬地爐茶鼎烹活火一清足稔讀
書者讀書之樂何處尋數點梅花天地心

山房

清臥荒村絕點塵疎鐘敲月夢中聞山僧早起知何
事當戶燒香禮白雲

漁

三月桃花浪暖初鷗溪人問有魚無回言未納官租
足不敢私將網下湖

樵

妻出叮嚀夫轉聽採薪須束擔頭輕夜來雨過蒼苔

滑莫向巉巖險處行

吳烈女

士習與世換一墮不自持寧如一女子至性不自移
人之能爲人所惧大節虧吾父死汝手吾身寧汝隨
匪云全我潔義合同其歸空山刃流血白日寒無輝
女子有是哉道旁爲嗟咨北風颯萬類始見青松姿
有女焯其行發潛可無詩死其身不顧身後遑所知
傷心復傷心風味日以滴寄語讀書者曷不媿于斯

採桑

採桑子採桑子朝去採桑日已曙暮去採桑雲欲雨

僑居縣志

卷二十五

詩詞上

古

桑葉鬱茂寒露睂桑枝屈曲勾破衣大婦年已憂蠶
饑小婦忙亡催葉歸東隣女對西隣道蠶眠蠶起較
遲早已覺官吏促早繰新絲二月已賣了賣了新絲
更栽桑栽桑還似去年長豈知城中花園花壓牆朱
樓旭日映紅粧不識桑樹有羅裳

落花呈王如山監簿

滿地飛花錦作堆休言落後不如開
變渠不逐波流去自在崖陰臥綠苔

張就道

字正卿號竹素西門人

新秋東評詩評

頻修尺素寄無由
惟倩西風倚竹樓
雁影海天千里
月杵聲山郭
萬家秋遙知
革履宸聰啟
預悉窮簷蔀
屋憂轉眼承明遲
入直雀盧名早覆
金甌

元

方志道

字成之板橋人至正間薦辟歷越州文學

道院洞

十洞天西也赤城魏義雉堞貫霞明何人為續天台

賦重作精全擲地聲

曼若水

字清之彭溪人至元間由薦辟官至閣門舍人諸路總管都元帥弟若金知茶陵州若水

知總管府

儋居縣志

卷二五

詩詞上

五

遊興道院

出郭兩三里僧房占翠微
蘭依崖自瘦魚縱壑偏肥

渡口月橫艇山頭風掩扉
登臨塵夢斷猿雀共忘機

柯九思

字敬仲... 人工于詩尤善以書法作竹

善子昂

春夜宿道

寶章金鑰直承明
袖捧祥雲曙色清
親侍鸞輿中道

發傍趨冠劍兩街行
洞房夜影搖珠箔
別殿春風度

玉笋萬物盡沾天上澤
苑花深處聽流鶯

送陳玉林

鳳去臺空思惘然道人和淚語當年珠宮錫號開三
島金榜承恩自九天花落御床沾宿露苔生輦路濕
蒼煙春來怕度秦淮水處上青林泣杜鵑

送王誠夫之無錫

黃金橫帶爛輝光出守寧辭道路長鴛序久陪蒼水
使鳳池曾賦紫薇郎雙旌坐鎮梁溪月列戟看疑燕
寢香肯汲惠山泉見寄青春煮茗當還鄉

送黃煉師

榴皮書壁走龍蛇池上芭蕉又見花北闕恩承新雨
霽西湖光動舊爐霞春風日煖玄都樹秋水星回碧

僊居縣志

卷二十五

詩詞上

六

漢槎修月成功三萬戶藥珠宮裡誦南華

西湖竹枝詞

浙江春來春水平洲渚紫迴春日明江頭女兒唱歌
去風送楊花迷遠情

飛龍亭

謝安亭上新亭好玉斧鸞旌紀昔遊五色曾瞻天子
氣六龍俄起帝王州元戎談笑收金闕阿閣論思侍
冕旒一臥滄江驚白髮鼎湖雲斷使人愁

吳淳

字世洪東洲人隱居不仕設義塾延臨海翰
林張廷璧訓其鄉之子第又開白馬堰以灌
田至今入利賴
之稱一齊先生

括蒼洞

五雲深處即蓬萊，岩谷嵒砢十洞開。瑤草丹霞連羽
委桃花流水接天台，斗壇月落鸞笙遠，珠館風清雀
駕回。洞裏仙人如有待，春明朝罷早歸來。

張國衡

字可權，號澹如，西門人。皇慶間由選舉歷仕，終奎章閣叅書博士。所著有逢集編四十卷。

客中聞鳥啼

江南江北路漫漫，滿地風煙羽欲殘。三匝繞來秦樹
遠，數聲啼徹楚田寒。征人壘上勝聞笛，遊子天涯爲
輟餐。回首家關何處是，一鞭遙倚白雲看。

遊水簾洞

儒居縣志

卷二十五

詩詞上

七

洞口鮫綃薄，山心玉蕊浮。殘雲掛疎影，新月下空鈎。
白雀僊人去，蒼苔石磴幽。奇踪看不倦，旬日爲淹留。
張仲祈 字漢杰，西門人。學博才瞻，隱居著書，屢膺徵辟，不起世祿。白雲先生。

借陳刺史遊西子湖

湖上鴛鴦點綠波，船頭簫鼓載流霞。水光灩灩七圍清，
鏡帆影遲七落淺。沙窺客最憐，青柳眼引盃。還喜碧
荷花，元龍豪氣原無敵。此日相將興更賒。

翁復吉

字原善，森從孫。皇慶二年進士，終黃岩州判官。

偶坐感懷

竹陰時偶坐，斷續送蟬聲。落木千山瘦，寒流一帶清。

三農逢歉歲萬里止佳兵杼軸空江左從教布縷征

姚思恭

字元禮姚岸人以保障功歷陞浙東副都元帥

橫溪別友

十里盡溪濱鳴驄沸水雲可誰憑北望之子向西分

岸近漁歌早山深曉籟聞相將重立馬躑躅夕陽曛

楊天福

字子壽楊府人都元帥芳春子由薦辟終永嘉丞第天與天授並任有聲

寓郭淡寺

九日空堂客西風獨放歌傍禪身似葉捫碣篆成蝸

鳥散千林曙煙消萬谷羅不禁悽斷處華髮已蹉跎

鄭

綱字季常市橋人以薦辟除濃州教授

儒居縣志

卷一十五

詩詞上

宮詞

深宮鎮日無塵到何事雙飛燕羽針想是君王曾念

妾金輿不向董嬌家

錢江送友

江水迢迤江樹齊江雲飛處暮天低故人此地相為

別明日孤蓬何處栖

張惟吉

字允祥西門人至正五年進士歷仕終正議大夫經正監少監

題宋徽宗白鶴

御筆翻仁事粉工雪翎霜爪奮英風九華有夢雲霄

遠百鳥無聲每字空鹿盡豈能終血氣何獨謹

條籠朝陽鳴鳳 知何在 長望中原多棘叢

張惟大

字允實 西門人 由薦辟 屢立戰功 除浙東副都元帥 兄惟賢 仕至都元帥 禦敵 戢衆 綽有古儒將風人呼為大范 小范云

短歌贈別盧少監

憶得去年與君別 西風乍落梧桐葉 迢遞溪山百里餘 不見故人見明月 書劍重携過草堂 南風拂七芟荷香 一別七經三百日 百年能得幾連床 壺中有酒盤有餐 共君今日須盡歡 若教勿七便歸去 明朝悵望隔煙樹

過純熙觀

儂居縣志

卷二十五

詩詞上

九

十年此地歎相過 今日其如感慨何 山色總非前度比 竹房誰是舊東坡

張惟本

字允立 國衡 孫少負異才 名藉甚 弱冠不祿 人咸傷之

秋杪江行

紅葉蕭々逐暮秋 蘆花如雪滿江洲 誰怜孤客思無賴 獨向沙汀訪白鷗

蠡城送馮公子

子規喚起客邊愁 獨向山陰買去舟 借問重逢何日是 五雲深處待同遊

打蕨歌

落日溪干人打蕨千槌萬槌碎筋骨待哺只恐下手
遲隨風空谷傳聲疾破盡青山幾片雲淘殘秋水一
團月寄語兒童莫啼飢澄來蕨粉白于雪忙匕盤取
人筐歸不飽朝餐心轉咽安得普天大有年鼓腹高
歌窻下眠四隣田父日招飲買醉不用青銅錢

明

楊文中

字經歷所看有淮江集三卷酒坊巷人洪武間貢任直隸蘓州府

水簾

龍娥卷下水晶宮垂向秋崖紫翠中宇宙懸光珠錯
落山河倒影玉玲瓏寒勾夜浸瓊瑩月涼雨晴飛石

僑居縣志

卷二十五

詩詞上

二十

笈風應掛九重閭闔上恩波沾洒萬方同

盧

迥

字士恭西盧人洪武間貢入太學召對稱旨授戶部王事累官至少司農燕兵至抗節不屈死詳別傳

送吳集義之廣元

詩苑鶯啼二月天故人旌旆向巴川廣元路遠蠶叢
隔太白山高鳥道懸保障由來推作縣分携那可對
離筵去情莫道沙鷗冷勲業還期在日邊

張節嬭陸氏

冰操泣鬼神丹衷昭日月事姑兼訓子凜正真超越

鄭

恕

字本忠新庄人洪武間貢聘授鄧縣訓導陞直隸蕭縣知縣漁兵至力拒不屈死詳傳

赴京

青山好隱不容隱世路難行只得行惆悵此身生此
日有生斷不若無生

張熙

字允文西門人洪武三年出通經儒士詔舉賢良除本府教授陞國子學正有才名所著有掄英集三十卷子璉字

亭玉歷仕終吏部員外郎

閉戶袁安睡未關天涯何事逐征鞍故山遙矗千峯
玉旅棧長教一枕珊鼓鴨漢軍曾入蔡貫虹秦客未
盟丹零驢橋畔饒詩思遊子蕭七行路難

上大祖高皇帝

樞居縣志

卷二十五

詩詞上

三

蘭江七上樹兵團風捲旌旗八面威霹靂一聲天地
震山河萬里鬼神依森七虎豹冲憐仗奕七駝貅奏
凱歸但愿早開龍鳳詔窮崖草木為生輝

吳紹烈

字得晦東洲人洪武間舉進士授知江西沿山縣事在集義有才名洪武三十二年舉人除四川廣元令

題臥菊

余小園有菊一本倚石磴上若臥狀致楚七
可人漫賦一律以志羨云

倦陪彭澤醉霞觴斜萎金鉞臥石床荒徑曉寒肌自
沒疎籬夜靜夢猶香不詞紫禁恨楊柳豈效紅粧睡

海棠萬木經秋搖落盡羨渠高枕傲清霜

王峻用

字 岐山人洪武十七年進士歷國子監丞

同張亭玉吏部遊靈巖

春風攜手歷崔嵬倦坐孤嵐盡一杯細草依七分輦
道閉花寂七傍琴臺探香徑在魚猶聚響屨廊空鹿
自來行樂千秋皆浪迹浮生何必更多哀

顧

碩

字景蕃懷仁人洪武間儒士授山西石樓令擢吏部主事文皇即位召之不赴棄官逃去為富家牧牛詳別傳

飯牛歌

君不見百里奚飯牛五羊皮又不見齊甯戚扣角歌

儂居縣志

卷二十五

詩詞上

五

白石嗟爾飯牛者家住南山頭驅牛就豐草飲水必
上流仰眠牛背上試看青天幘山中岐路多山深無
行跡掛書不讀項羽傳火牛未用田單策牛行不知
肥人飢不得食我歌飯牛歌太息重太息

金山雙塔

雙塔嵯峨聳碧空爛銀堆擁紫金峯江分淮海三千
里山壓蓬萊第一宮天外樓臺集鳥雀水邊鐘鼓駭
蛇龍廢興莫問先朝事郭璞坟前浪打風

題畫

茂陵帝子好神僊別起高樓入半天望斷巢笙空外

下海山珠樹復秋煙

張容

字子顏田市人初名十五洪武間以事赴京太祖見其儀容俊偉徇改今名授御史歷大理少卿茂著政績

志感

丈夫猶神龍不受天壤東豈羨鼠與蛆厠身誇滿腹

江樓對月

對月興不淺起登江上樓天空秋萬里身世一虛舟

戴弘演

名原通號率齋以字行蒼嶺坑人永樂甲申登二甲進士授翰林院庶吉士文淵閣纂修大典再試吏部授江西監察御史轉南京巡按都御史所至有聲詳傳

告致歸留別諸寮友

儼居縣志

卷三十五

詩詞上

三

辭七重辭七莫鼓陽關奏脩然掉歸舟清風滿衫袖

豈不念其人青山夢已舊四海若比隣分離何足疚

公等富春秋勉旃持官守

張伯厚

名鑑以字行西門人永樂丙申詔舉人材授南京工部主事歷仕終趙府長史所著有淡庵集八卷

題麗石舖

柳系垂綠草痕斑纔踏名途過此關送盡馬蹄南北

去柴門依舊對青山

擬古

玉露凋梧葉涼風振前庭去鳥逝安適鴻雁多悲鳴

南臯徧荒莽北麓無留榮時序一何迅華悴紛相更
感此獨延竚忽亡傷我情世無王子喬虛名爲誰成
行路難

對酒不能飲對食不能殮燕姬越女且莫舞秦箏趙
瑟且莫彈停君琥珀葡萄之玉舉徹君龍膏鳳髓之
瑯盤請君四座俱莫謹聽我爲君歌彼行路難行路
之難不在武溪水不在太行山君心今日豈無感我
欲高歌還未敢

潘叔正 字議治 永潘人永舉癸未舉人除濟寧同知建
通河民德之立祠祀于河側終梧州

同知

隱居縣志

卷二十五

詩詞上

三

午日聞笛

湘浦魚龍爭角 秦漢宮蜥蜴飽硃砂淒涼何處一聲

笛咽斷江梅五月花

鄭楷 字希 廬人舉人準之弟工于詩隱居教

採蕨

鋤碎青山雲打破黃昏月兒女得充饑不知親汗血

王一寧 名康號節齋以字行岐山人監丞峻用子年
十二善鼓琴獻陵在文

樂戊戌登進士授縣司王事隨薦入內閣
輔太子收翰林院修撰陞經筵侍講兩王京

闈鄉試一典會試奉使琉球進禮部右侍郎
隨轉左侍郎兼翰林院大學士進太子少師

歷事四朝以忠聞卒贈太子太保禮部尚書
蓋文通集二十卷門人李夢陽爲之序詳傳

賜遊萬歲山

峇堯宮殿禁城西山上平臨北斗齊太液風微銀漢
靜御橋雨過玉虹低天開畫畫瓊爲島路轉巉巖石
作梯此日承恩賜遊覽幸陪冠冕得扳躋

奉使征苗遇生辰賦邀參贊劉黃門頓大參見
過時八月十四日

橫槎湘水向茫然白髮專征詣遠邊旅館不堪悲痛
日軍中那設綺羅筵兩年初度八千里明夜中秋月
一天許國自慚無寸補清樽聊共故人傳

寄張大廉

儂居縣志

卷二十五 詩詞上

五

霜壓金鞍玉墜腰雞鳴促入紫宸朝爭如林下饒清
夢明月一窻松影搖

東張伯厚工部

當年門第兩相高君正青年我正窘十載共懸湖海
夢于今同仕聖明朝職司泉布居丹禁日直文章近
碧霄莫訝髦期茲以及鵬鵬還應奮扶搖

都門同董仲魯中書送文上人還佛惠寺

西湖北山青如螺山光倒浸西湖波山中有刹名佛
惠禪房寂已藏爐蘿上人交達住山久已有佳名在
人口翻經豈解貝葉長掛袖不知去後燈懸千嶂

夕雲陰鐘聲遙出竹林深曇花作蓋上方靜悠々水
月皆禪心榻來掛搭走燕麓足音蹙然冷空谷月下
何人爲扣門池邊有鳥還來宿似梗飄々杖一筇天
涯三載淹歸踪此日倏然辭帝里言旋高臥湖山中
方外之交鳳池侶朝回相送灤河潯翩翩飛錫果安
之遙指吳山最深處

賜觀進貢麒麟獻詩

皇上改元之三年遠國以麒麟來貢叨列詞
垣幸覩嘉禎不勝歡忭謹拜手獻詩以志其
盛

聖皇御寰宇治化敷深仁至孝格天地和氣周八垠
天心荅靈貺百福咸駢臻絕域產嘉瑞表茲泰運新
遠人慕帝德重譯獻紫宸踰々殿陞間拜舞亦何馴
重瞳一以顧百象皆生春行規折中矩牛尾麕之身
有定而不觸有趾而振々所遊必擇土所居寧肯群
周室在郊藪漢庭來九真迄今千載下屢出應昌辰
巍々吾皇德曠古無與倫作詩繼周詠稽手歌聖神
北上過蒼嶺賦寄諸親友

五月趨燕薊盤旋出故關萍踪今日遠梓里幾時還
暑雨侵行旆羈愁上老顏親朋回首望已隔萬重山

同楊士奇少傳送友人還建安步韻 原十首今錄一

玉署詞臣官道喧，
君此日盡銷魂。
鄉心已逐閩南雁，
別意空傳薊北樽。

鍾山佳氣 東殿應制之作時年十二

紫金山勢似蟠龍，
佳氣氤氳聳碧空。
鬱鬱光浮連鳳閣，
蒼色曙繞宸宮。
天開圖畫青冥際，
雲擁佳巍杳靄中。
聖代崛起與嘉瑞，
集車書萬里仰穹窿。

送李郎中使西域

聖代提封度玉關，
煌煌使節下金鑾。
開邊事業驚投筆，
專對年華耻撻鞍。
紫塞北來旌渺渺，
黃雲西去路

儒右縣志

卷二十五

詩詞上

七

漫口要知王命圖，
中事惟後回朝共細看。

挽陳尚書 時洽卒

元臣仗節臨南極，
直諫驚聞到聖朝。
曳履九天辭帝

闕，談兵萬里暗星軛。
名留汗簡聲逾重，
魂返毘陵恨轉遙。
亮節早稱光日月，
高風肯逐瘴雲消。

郊祀待大駕宿齊宮和楊少保韻

金鋪宮殿玉為階，
穆穆靈臺聖敬培。
輦路佩聲來百辟，
壇壝香霧接三台。
天心監格絜無逸，
臣庶欣悃詠

有臺慶禮已成，
叨錫宴太平無補愧疎林。

張宗福

字世高西門人永樂間由通經館士薦任制勅房中書先挺字亭玉兵部主事宗福字

賢由人材授行人司行人宗翰字世維備封
訓導宗弘字世遠詔舉孝廉兩膺徵辟並有
才名所著有在夢樓
聯咏集及覽古豪吟

送馮禮部員外敏赴梁府冊封

梁建國

梁藩翰楚服皇仁邁堯親寶冊行大封金枝光寵新
踰七粉署儒將命辭帝宸長興集冠佩飲饑東城闔
城闔弭去驂對筵戒金素秋蟬度新聲涼颺起高樹
須臾袂欲判躊躇不能去悠々搖使旌渺々卽長路
長路幾千里迤歸亦有期早知戀關心顧瞻常依々
晴煙廣陵渡暮雨潯陽磯靡及每興懷江湖復逶遲
逶遲入郢郊絳節何煌々木鳳下九天萬象咸輝光

儒居縣志

卷二十五

詩詞上

天

聖德既已宣勝遊情更長皇華有餘暇進報陽春章

送禮部郎中蔣廷暉致仕還錢塘

先爲中書

鳳池儒客拜春官廿載濡毫侍聖顏青鏡忽驚雙鬢
改丹山願托一身閑宅邊松菊堪吟嘯湖上風煙足
伴還會有籠鵝人換字柴門未許畫長關

和湯參將暑中述懷見寄之作

魏我鈴閣控長淮奉詔年々擁纛來轉餉渴誇劉晏
蹟疏河寧數耀卿才漕舟絡繹深秋至使節輝煌盛
暑回河上忽聞歌白雪長城更喜擅騷臺

張宗宏

字世遠西門人少遊京師走筆作燕都賦詞
極工麗言藉々縉紳間事母孝永樂中詔舉

孝廉兩廣徵辟堅不赴所著有碧樓放言二
十四卷讀史齋測十卷

都門送魏侍郎赴留都吏部

七十辭榮未賜還
翩亡清譽重朝端
南京事簡堪優
老北闕恩深特調官
馬色薊門新雪霽
車聲野店曉
雞殘明朝回首長安遠
霄漢遙懸一寸丹

楊孟瞻 名岑以字行初府人永樂間貢入太學九年
應天府中式歷仕終徽州通判詳傳

送錢至政還松

相門才子善搗文
玉樹臨風更不群
故國尊鱸侵旅
夢京華車馬任浮雲
素心對酒秋應早
客館停驂日
勢無年少翻七
辭好野蘄予白髮未如君

儒君縣志

卷二十五

詩詞上

无

高 輔 字元之號摘隱人入貲為郎赴京以磨
驢詩得名與杜侍郎寧葉會元恩善時相唱
和

磨驢

東園馳罷屬渠家
負磨團亡去路賒
混沌氣中挨地
軸雷霆聲裡轉
天東霸橋有夢衝
殘雪杜曲無由踏
落花暫得偷閒仰
天咲為誰辛苦作生涯

麥虫

研麥為虫
當年炊瓦盆
堆捧出山厨
兩眼蠶細初離
壳半寸蝦長始脫
鬚采燕欲啣空
者眼庭雞賺啄誤
呼兒山家頓此聊
充

外圖

牡丹

百花一手出天公獨向花王分外工應是翠華南渡
後春風不向洛陽中

張景悌

字明孝寺前人永樂辛卯舉人考授知縣畏法自陳改教職任寧德訓導

水簾

孤村碧落翠華鮮千仞巔頭水似簾坐久不知塵世
事咲看山穴吹雲煙

山居即事

早起尋幽徑門前雲樹深故人携酒過共酌聽春禽

王純

字弘文號一齋車門人成化十七年進士除工部主事抗疏保爵王少保恕謫思南司理

儒居縣志

卷二十五

詩詞上

三

有聲指湖廣提學僉事祠鄉賢

送林給事霄

太平天子坐垂衣萬國梯航入貢時金冊命專誰是
托黃門官好衆私宜蘇卿節未辭丹闕李卻星先動
遠爨想亦路經東廣過採芝先謁隱芝祠

泊浙江

舟人語喧舟漸泊蘆荻洲前風索々隱々疎鐘天竺
間渺々孤帆海門落澄江秋月野客心坐據胡床聊
一吟何時短棹復南來不負五湖煙水深

登岳陽樓

莓苔徑路兩餘天
携友登臨興浩然
太白樵碎樓尚在
雀即題絕句猶傳
狂來醉酒翻忘客
老到逢人怕問年
渺已江流芳樹遠
望中一鳥破橫煙

李忠

字多惠政比致仕居林下是跡罕至公門日飲酒賦詩以自娛享年九十卒弟猷正統九年舉人今慶豐門右曰壇前者其遺址也

歸田原十今錄二

十年醉夢一朝醒
檢點風光六十更
五斗折腰非我事
一竿釣水是平生
白頭堪作松根主
野性終同鷗鷺盟
手把鋤頭種松菊
老夫今日是淵門

其二

儒居縣志

卷二志

詩詞上

三

短章乞得一身閒
腳踏煙霞步七寬
耕破白雲四五畝
睡高紅日兩三竿
醉尋芳草成蹊小
冷看時人行路難
讀罷離騷風偶急
釣船吹過子陵灘

王存忠

字誠之號亮齋萬竹人成化丁未進士授南京巡按御史轉鎮江太守歷江西左叅政居官以廉潔矜憤劉璫擅權抗疏乞歸壽八十六卒應尚書大猷其外孫也

掃地

豈云輕富貴原不羨
紛華性懶勤掃地
家貧喜種花林泉
為活計風月是生涯
自有珠頭甕何須
問酒家

寄張遜志別駕

文苑曾同樹赤旌
一官彼此逐萍萍
廿年許國頭但

白千里懷人眼獨青渺々蒼煙橫海岫萋々芳草占
山城南峯洞口桃初發好向滄浪共濯纓

歸田樂

歸田樂歸田樂塵世摠迷茫清風在丘壑壺日麗長
暉嶺雲時娒々萬物于吾何所求明珠遮莫供彈雀
往事已浮沉古人不復作高枕傍流泉心期自磅礴
秋菊綻東籬寒梅老山角策杖恣逍遙俯仰無束縛
茶熟香清少客過濁醪邀月相與酌吁嗟乎百年倏
忽間人生幾榮落筭來鍾鼎我奚加爭似投簪事耕
鑿

儒居縣志

卷二十五

詩詞上

三

張

鏗

字大康號友松西門人學博行優隱居不仕
所著淇園集二卷以子成德貴贈文林郎

界院鐘聲

淇園八景之一

別業幽連古刹開蒲音遙度白雲堆有時喚醒床頭

夢帶得池塘好句來

蔣

輝

字號桂林柘川人成化間貢歷仕終福
寧州同知善談星射覆多奇中尤精于堪輿
如右僉都李一瀚大父墓別駕張成德基其
較著者也餘凡經手眼皆立驗

秋夢錢塘

秋色江村晚蒹葭昨夜霜菊花羞鬢短鷗鳥笑人忙
樹影龍雲薄濤聲入海長懷人黃葉夢明月渡錢塘
應 贊 字號琴窻東巷人邑諸生王少師一寧
外孫也所著有集古詩三卷

題飛鳴宿食雁圖

征鴻排列度晴霞來自衡陽萬里賒一陳穿雲橫碧
落數聲叫月徹江沙夢酣爐水潮初退啄破花陰日
未斜地絕輪蹄增繳少不妨蕭洒映蘆葭

張成德

名浹號遜志以字行西門人鏐次子成化間
貢除四川順慶府南充知縣陞江西饒州通
判政蹟優異以循卓見推于時所著史畧竅
言八卷遜志集二十六卷

杜氏二烈女

婷七二女欲何從羽化安洲第一峯香魄不因天地
老至今流水帶清風

送桴兒還試

松君縣志

卷二十五

詩詞上

三

嘉陵驛上別吾歸萬疊情懷逐旆飛夜雨恐驚蓬底
夢江風愁怯客邊衣家山景色行應到宦舍晨昏去
日遠忠孝古來須兩盡一經莫遣滯秋闈

別蜀父老

微官近十載瞿峽幾盤旋手跡花千樹征囊書半肩
聖明曾別簡父老漫相憐遮道情難遣人為揀一錢

金陵懷古

鐘山宮殿鎖莓苔曾見龍飛聖主開遜國已辭黃屋
去寒潮猶擁石城迴金陵王氣嗟何在玉樹歌聲轉
可哀欲掃遺踪時事改夕陽荒草兩花臺

劍閣

蠶叢初啟宇險阻數梁州棧道懸天際重關藐隴頭
山川聯玉壘道盡鑿金牛坂峻千人懼雲深六月秋
秦兵從馬錯漢使度王褒久戍隨猿泣長蛇共鬼愁
屢朝多負阻昭代早懷柔神武途徧坦寬仁政自優
王尊輕策馬灑頰免危舟日暮車輪倦官微汗漫遊
錦城詢遠近蜀市卜沉浮作銘鐫峭壁家學有源流
暮春招友人登廣慶

北山紫氣接天台策杖須教一探回鳳向帝城呈羽
翟雲從天半護樓臺山高海色迷茫見谷冷桃花次

僊居縣志

卷三十五 詩詞上

三

第開正好新詩携謝朓况君兼負謫僊才

瞿塘

途危推劍閣灘險數瞿塘秦楚小疆域乾坤半渺茫
濤奔蛟有勢壁峭日無光宦遊圖書少航輕用石裝
徐謙 字孟克號六吉大井頭人弘治貢歷仕終知縣

五日署中寄張閱耕工部

江南江北淨風爐佳節聊將杯酒傳艾虎高懸隨舊
俗榴花深酌惜流年故園望斷青山合明鏡愁開白
髮添何日角巾松廕下共君高枕聽流泉

宮犬

不逐人間臂上鷹生來便入禁中行羊車未過宮門
靜穩向花陰臥月明

張

淮

字貴濂西門人雲南接察司檢校

圻荅劉素軒郡伯

岸柳鶯聲喚早春白沙羈客又淹旬喜逢鄴下劉公
幹曾識山陰賀季真五馬風清永作署一庭花好玉
爲人使君况復工詞賦巴調何堪步後塵

徐

普

字孟施號應峯大井頭人弘治間貢任湖東清遠教諭

花萼樓獨眺

青莎十里正春妍一度登臨一可憐香佩直疑仙路

儒居縣志

卷二十五

詩詞上

三

近玉簫斜度萼樓偏曉爐風轉流芳樹夜月光凝散
綺筵昂首長安何處是片雲遙鎖隔江天

張

櫟

字廷泰號閱耕西門人成德子援例入太學考授留都工部主事

自金陵之蜀別同寓范太和主事

對榻經年客夢安又從旅館束征鞍情于知己傾偏
切話到分襟語較難玉壘新尋岐路去金陵便作故
山看驪駒在道秋風苦楓葉蕭蕭酒欲闌

張

槩

字懷大西門人戴侍御弘演外孫也弘治間貢除惠安訓導以子儉貴贈刑部主事卒祀

鄉賢

春日有懷

雨歇春山翠欲斜
暖風遲日醉桃花
王孫馬向平康道
芳草萋萋別恨賒

滄上步苔胡轉運

懶袖投人刺
貪過問字亭
龍賓時護草
太史夜占星
拂劍光逾紫
憐才眼倍青
碧筩能醉客
不數五侯鯖

揚

燠字號西崖
揚府人
弘治間貢除雲南楚

別離曲

送君寧把花下盃
送君不上江上臺
花落明年還復開
江水東流去不回

項象

字號克齋
山市人
弘治間貢除知事

儒居縣志

卷二十五

詩詞上

美

自題別業

蕭疎短屋傍河濬
河水漪漪漾白蘋
抱膝長吟梁父曲
登臺時下子陵綸
白雲堆迳堪辭客
明月臨軒若訪人
王事幾回慚折鼎
不才宜此遂間身

徐恕

字廷忠
號安峯
大井頭人
正德間貢歷仕終廣東高州司理以廉明稱

秋興

秋江兩岸蘆花白
蕭蕭雁陣滿江濱
江濱江南此日稻梁肥
江北悠悠音耗隔一官
九載滯江干
甌釜塵生永暑寒
白雲縹緲天無際
幾回悵望推心肝
江城昨夜砧聲起
魂夢飄飄萬餘里
時艱引手未之能
黃河之

清難侯矣寂寞江頭憶酒杯黃菊籬邊花正開田園
將蕪三徑莽淵明胡不賦歸來

張

梃

字廷器號西坡西門人邑廩生工古文詞所著有古今摭言二十卷

同秦華峯尚書登巾子峯步韻

雙幘攢天半孤標聳漢間塔隨雲影落潮自海門還

載酒玉堂客敲詩白雪班飄零爭似我猶其賞名山

張

桴

字廷哲西門人通判成德子六歲作文句輒驚人十歲入校錄于上舍弘治間應省試陸試官奇其卷薦第一以策近訛諷不獲雋歸卽遘疾而卒士林咸爲扼腕

巫峽

順流不覺瞿塘險久泊方知巫峽長入眼煙雲迷白

儒居縣志

卷二十五

詩詞上

七

帝多情草樹送青皇紛七竹舍圍江渚歷七漁燈點

鷁航已苦炎天辭六詔况教暑雨度三湘

感懷

洛陽城中楊柳樹春三二月齊作絮狂風吹之南北

東西隨所去人生賦命各有按丈夫何必多煩憂眼

前世事只此如黃河之清苦難竣

其二

長安少年遊俠兒紫駟玉勒黃金羈碧坊朝醉宜城

鬪青樓夜宿邯鄲姬千金作樂萬金賭諳識人間有

終古下帷書生頭早白腹中空抱天人策漢朝天子

不好文饑寒落魄那可云

陳

侯

字維藩號養吾
下湯人邑諸生

上孔提學

百代斯文世所宗山西今日亦山東杏壇傳却陽春
筆點得天桃樹已紅

應

良

字元忠號南州西山人登正德辛未二甲進士第七授翰林院庶吉士出為山東督學陞廣西叅政轉廣東右布政致仕歸常與湛其泉王陽明講明良知之理歿二十有五年門人浙左布政郭朝賓檄其遺文梓于紫薇堂題曰間存集詳傳

京中送友人南歸

踪跡飄蓬久未歸旅情長日自依已憐君荒徑猶存

儂居縣志

卷二十五

詩詞上

美

菊咲我緇塵正染衣數畝秫田堪作釀一汀鷗渚足
忘機遙知膝下承歡日不似白雲天際飛

送楊石翁致仕

社稷安危昔寄公衮衣信宿暫留東雲龍共慶千年
會河漢遙伶一水通數篋圖書行色壯九天雨露聖
恩隆瓊樓應向雲邊起多恐清寒入夢中

晦日同湛其泉顧未齋鄭少谷遊湖上作

相將一葉逐鷗浮細柳新蒲縮客愁九十韶光行已
盡惜春聊共作春遊

嚴陵灘續上
曾侍御夢中得句

水色吞山綠王夢得此句 星光落座明投簪今國老于哉

一巖生

吳廉 字介夫號牛田寺園人紀善瓊侄正德九年進士授禮科給事中尋轉戶科都給事彈劾不避權倖相國者忌之 外陞四川參議子子龍滁洲訓導歷王府參授夢龍湘鄉丞詳傳別墅漫興

路入任溪一逕斜蕭齋寂七鎖煌霞十年不作長安夢閒對寒梅數落花

湯衍

采蕨

朝鋤暮復打兩手未教停有木甚蒼白無山不破青

僊居縣志

卷二十五

詩詞上

三

渾家饑在望連歲賦交征孰憫窮詹苦因為達帝廷

陳乾 字號及泉

秋日客中作

一秋情緒獨蕭蕭 越鳥吟客路關城愁外

角家山霜月夢中結離心江上孤雲遠回首天南萬

壑陰楓葉滿山紅欲滴不堪飄泊為沾襟

應大猷

字邦升號 嘉興人正德甲戌進士除南京刑部主事

考功文選 嘉興人正德甲戌進士除南京刑部主事

思之出為廣東布政使陞僉都御史巡撫雲南

隨轉四川巡撫已復撫軍山東陞吏部右侍郎尋陞刑部尚書會嚴分宜用事怒其異已

嫉言

賜存問者三子姪
科甲最盛詳傳

遊麻姑山

麻姑風景尚依然，仙子何歸不記年。
雲護石龍時滴水，苔封丹灶久無煙。
懸崖斷處疑將墮，遠嶂飛來勢欲連。
日暮徘徊倚絕壁，依稀絳節下諸天。

武場登明遠樓次李東岡左堂韻

百尺危樓試一登，恍如霄漢坐空明。
甸荒不限知天遠，海岳同歸見地平。
斗有光依北極文，章何意學西京。
自應門下多桃李，各抱胸中萬甲兵。

送游可齊憲副

儒居縣志

卷二十五

詩詞上

四

南海相逢未盡歡，那堪離思滿瑯玕。
鶯花送客青春苦，風雨留人白晝寒。
川上珠林潮漠七，雲迷梅嶺路漫七。
他年重晤知何在，醉倚檣烏極目看。

同劉抑隅侍御飲沐文樓五華池館話舊

九日陪高會，寒暄卽故鄉。
柳疎傾蓋晚，菊冷引杯長。
北斗明秋漢，南雲肅曉霜。
重來慚鳥倦，千仞看鸞翔。

登岳陽樓

樓壓岳陽城，湖光迺晦明。
乾坤渾一色，俯仰漫多情。
隱約山無際，虛空畫不成。
古來同此賞，回首幾人醒。

早發西平驛行七路轉遙黃茅深沒馬叢樹暗通樵
海外多殊俗兵餘少二毛乾坤吾分事不了百年勞
步韻荅劉抑隅春日見寄

相逢俱是客得醉即為家雲樹連三郡衣冠共五華

寤生歌白石葛子就丹砂春去還來復何須問落花

張儉

字存禮號圭山西門人舉之子正德甲戌進士除北工部都水司主事乞恩改留都刑部遷員外郎議大禮不阿為柄國者所忌出為江西僉事調福建七寧兵備轉四川副使陞福建叅政居官廉明而濟之以恩所至悅服陞江西右布政輒致仕歸所著有圭山稿行世

宿丹溪

儒居縣志

卷二十五

詩詞上

聖

西川七上夜維舟月到孤蓬客正愁回首長安何處

是鶉聲如訴水悠悠

其二

欲挽東流勢未支使君行邁自遲七剛方已共才名

忌公論于今重俸資

福寧行臺

春散江城麗色多天涯何事獨乘槎清時欲下狂生

淚近事誰怜壯士歌一道紀綱漸振肅半零書劍任

風波海天漠七君門遠千里孤臣髮欲皤

蚊蚋嘆

蚊蚋本微物所志在一飽一飽亦有時乘機或投巧
撲滅憚一揮愛我玉指好

牧童

箬笠棕衣只飯牛深林輕雨不須愁有時扣角歌聲
遠未解齊威聽得否

餞別王藥谷大中丞

才兼文武君誰並統合華彝我亦同劍閣十年叨麗
澤臨歧杯酒莫匆已

楠木寺

大才從古說梗楠匕木名山豈浪傳昔日合圍曾作

僊居縣志

卷二十五

詩詞上

聖

棟近來孤幹欲參天剛心未敢忘廊廟大匠何當限
歲年愧我如擣空老矣清霄吟咏一凄然

贈王玉巖太史

太史投荒服風騷迥異常半生任詩酒萬死戀君王
豪氣欺秋早愁懷入夜長十年寒塞裏猶著舊荷裳

七里峽

崎嶇七里峽窈窕兩山坡隔隴聞人語穿林聽鳥歌
雨聲侵幕細霧氣濕幢多愛爾韶光好如吾鞅掌何

酌別丘景山

影散庭槐歛暝燿金杯落月碎仍圓故人此會須三

鼓客路明朝各一天

宿塾江

曉節拂清露晚驟停紫煙馳驅明月道遊冶艷陽天
鳥逐孤雲迴山圍遠岫砧夜關人語寂兩岸盡啼鵲
平貞歌為揚南澗大中丞作

鰕魚遊潢潦不知江海濤狐兔長丘陵安識泰華高
蠢爾貞蠻負險阻窳窳鑿齒生咆哮緣崖飛棧定壁
壘蜂屯蠟附如鳴梟僭號大天家被服錦戰袍不能
覆鐵鏡藍鄴駕言引轡追方曹蹂躪兩省勢糜沸羽
書四出民蜂駭霜臺繡斧莫耶種大梁久矣誇人豪

僑居縣志

卷二十五

詩詞上

墨

須臾即定萬全策滅此朝夕如燎毛大將誓戮力三
軍戒喧囂堂上義師昭白日捐生赴死人相招奇
兵扼其吭正兵擣其巢順如破竹易振稿數年腥穢
旬日銷夜郎故地仍懷白恭水新民欲賣刀人亡歡
舞頌聲聞七頌言我公佐聖主出將入相懋勳勞七
鎮三邊驚破胆異國年七見放燄

蔣

洋

字良繁號南河街頭人正德十五年進士授
工部主事陞員外郎隨陞本部郎中奉使如
楚抵姑蘇遭疾卒居
官以介稱祀鄉賢

京中憶母

堂北親何處天涯子漫遊景隨庭樹晚蛩逐夜風秋

坐對燕山月愁深越水舟一番重感意針線在寒裘
養病疏不行志感

抗疏辭明主紆詞乞病身尊鱸徒入夢替紱苦羈人
東嶺山花好古峯野鳥鳴何時破蒼蘚把酒席芳茵
林柱字必砥號忍齋斷橋人同政介山兄也所著
有梅湖集

采蕨呈應容庵刑部

鑿斷空山土骨開入深掘起蕨根來雙槌打落青天
月一水澄分白垢胎清許華堂呈玉線香隨笙管伴
金壘山家滋味休嫌薄東閣從教濟鼎梅

盧明赤

僊居縣志

卷二十五 詩詞上

器

旅館

隣雞三唱東方白宿酒昏已醉始醒破屋風寒重整
被板橋霜月讓人行

劉茹蔬名白塔布衣

憶遠

燈前檢點印書看紙已言歸已未成分付杖頭春杜
宇客中多叫兩三聲

漁

雲破曉江清駕扁舟一羽輕釣竿遙拂珊瑚影桃源
路平蘆洲月明生涯自嘆同萍梗狎鷗盟一蓑煙雨

何處覓嚴陵

樵

結履步山椒見峯頭日漸高丁巳伐木聲偏好煙霞
市朝塵塵侶僚息肩隨處眠芳草返林丘入門長嘆
誰念買臣勞

張 垣

字景裴號應山西門人正德間貢除廣東感恩知縣約已惠民尤善培植學校卒祀鄉賢

送吳悟齊司諫謫橫州

璪郎年少最名揚若為承恩得異方雀舫更過回雁
處鸞栖仍傍卜雞鄉山標銅柱南經盡江擁橫槎北

僻居縣志

卷二十五

詩詞上

巽

望長淮海伏波多往事將因懷古一沾裳

靈巖道中

載酒窮玄墓歸驂背越墟花縈村外靜人到此中疎
石角斜妨蓋山腰曲度車館娃遺迹在日夕更躊躕

張 壤

字世重號方塘西門人相從弟正德間貢除湖廣藍山知縣興利祛弊惠政翔洽所著有方塘稿畧主靜主敬會言凡十二卷卒祀鄉賢詳傳

歌風臺

五載功成耀故都馬頭尺劍太糊塗當年假使韓彭
在何用悲歌壯士孤

舟中晚眺

倦倚牙牆望風微日欲斜沙邊留宿雁樹杪散歸鴉
帆影搖迴浦波光漾落霞薄遊淹歲月舟楫卽爲家

九日憶母

一官迢迢滯瀟湘九日登高倍感傷楚水遠來天一
角台山落去地何方苦辛徒自悲南岳其旨誰爲進

北堂望斷白雲青嶂合西風默々對莢觴

應大桂

字邦才夏閩人尚書大猷弟嘉靖丙戌進士授行人遷刑部主事轉工部員外郎外陞漢陽府太守歷刺黃州登州清譽洋溢陞湖廣按察副使致仕

送王東崖任揚州

怜君從薄宦千里路迢々曉日開山色春風入柳條

儂居縣志

卷二十五

詩詞上

哭

夢搖淮浦月舟落潞河潮未卜重逢地鄉心轉寂寥

送高肅卿使琉球

爛々封章臨海外翩翩使節出皇州天連遠水孤帆

曉地入蠻林萬里秋專對自能尊國體壯心應不動

鄉愁明年黃菊披離日預釀芳樽待共酌

余世忠

字蓋卿號葵臺學後人嘉靖壬辰選貢任宿遷教諭轉惠州教授隸魯府紀善操行高潔

桃花洞

放怀桃洞更何時一片溪流勝習池好鳥乍啼花影
亂遊魚高跳釣船移無邊豔豔儂詩景不次風光促

享年百歲詳傳

酒卮綦局尚留仙子跡老僧揮杖雀歸遲

送李景山兵備之三巴

一封丹詔自天來珍重乾坤春滿臺金甲露銷新武備
玉山風掃舊塵埃登臺獨放長空眼振落方驚出世才
白首廟堂推相國井陘肝胆有誰猜

金克厚

字弘載號竹峯呂前人嘉靖癸未進士歷官刑部郎中

巧勝巖

山僧莫怨人多擾山僧只怨山生巧山不巧時人不
來馬蹄門外知多少

種田

儒居縣志

卷二十五

詩詞上

七

手把青秧插下田低頭便見水中天六根洗盡方成
道退後功夫作向前

林應麒

字必仁號介山斷橋人嘉靖乙未進士授蘇州吳縣令吳多豪右應麒峻繩之以法豪右怨聖乘間誣以他事被劾已而除國學五經博士調判泰安轉金谿令陞雲南提舉尋陞廣濟惠州同知所著有介山稿畧

送茅鹿門吏部謫廣平

人皆嗟不遇君獨早馳名豈謂無知己翻令有此行
草黃燕市路雪白廣平城慰此蕭條別釐宮待賈生

登靈巖

靈巖山列館娃宮別榭樓臺十二重雲裡每傳香輦

度月中時見羽衣逢
璫筆錦瑟留黃鵠
寶炬金蓮散碧空
往事卽今俱寂寞
祇餘荒草向東風

南高峯

南高峯對北高峯
湖上平臨宋帝宮
草木不關亡國恨
向人猶自弄春容

立秋前一日安東舟次

淮樹陰_七淮草稠
長年鹿_七逐波浮
卽看落月過漣口
又汎驚濤向海州
北斗漸離愁裡柄
西風先報客中秋
空將往事悲黃鵠
應似初衣共白鷗

白苧詞

儂居縣志

卷二十五

詩詞上

吳

雲羅霧縠明月光
吳刀并剪爲衣裳
胡姬被服嬌中堂
輕盈綽約鸞鳳翔
爲君起舞夜未央
流波斜盼紆清揚
目獨成兮心不忘

楚棘

楚_七者棘生我門戶
何用惡之我無斤斧
人有斤斧不伐杞棘
伐桂與蘭以莫不力
杞棘喬止蘭桂銷止
孰斧斤者亦曰勞止

都門別錢介夫

宛彼全棲鳥廿年作乖離
我初試翱翔子還守故枝
千峯荆山陽我困吳水湄
子今飭葆羽翮_七復來儀

我羽半摧落行將適蒿茨飛沉勢屢異展轉空相思
其二

相思曠相隔裏曲不能宣幸復有茲會况已迫離筵
送者俱在堂車馬在門前出門有程期逝矣難久延
別日何苦易會日何苦艱感舊戚已盈懷新意彌悵

其三

彌悵亦胡爲念欲將子征斥賜非我友黃鵠不可乘
悠々春日光冉々復西傾舉俗薄遲暮何當策修名
持此重念子心苦涕自零一展清商曲請子爲我聽

其四

僊居縣志

卷二十五

詩詞上

巽

聽之子當慘豈復知他人古來重知己四海猶比隣
千載亦有契况子平生親所云立不朽詎必登要津
子其念久要我亦忘賤貧願言慎岐路因風惠徽音

夜登雞鳴山憑空閣

百尺憑虛天半開六年羈客夜深來依稀北斗黃姑
近燦爛南山白石迴望裏六朝空草樹月中雙闕靜
蓬萊秋風不盡登臨意城上驚傳畫角哀

客夜舟次

江草蕭々江水長江風浙々雁初翔一蓬霜月千村
杵若箇羈人不斷腸

作客秋仍盡還家未有期白頭冷母老黃口念兒痴
世事浮雲度生涯短劍知不禁門外菊一復似東籬

其一

作客秋仍盡聊為澤畔吟露橫江岸白雲接海門陰
獨雀飛無際雙鷗去有心安能了機事與爾共浮沉

其三

作客秋仍盡東林葉半飛那堪對搖落猶自媿依違
獻曝心空壯揮戈事已非何嘗拂衣去采芣北山薇

蔣中和 字 號少河街頭人

儂居縣志

卷二十五

詩詞上

五

南峯

重上高齋歲月殊遲回直作野人居窻含薄霧千峯
靜花落平崗二月餘對景漫吟懷突兀捲簾猶得傍
清虛新篁似解幽人意時送浮陰接素書

戴

瑞

字國賢號滄州蒼嶺坑人嘉靖間貢分教休寧乙卯南闈中式除知縣陞工部主事

所著有玉几憶稿

宿建初寺

門外柳條青眼生南來北去漫多情山僧不管別離
恨故發虛堂鐘磬聲

王

槐

字子受號松山萬竹人侍御直齋任嘉靖貢任教諭

京回宿白水埕

柳條初折遊京國，花發芳枝返故城。忽憶年華忙裡去，又怜春色馬頭生。關河不憚崎嶇險，旅酒從教酩酊傾。分付青山莫相笑，丈夫事業未堪評。

楊杰

字

號

楊府人

憶友

芙蓉生秋江，正是故人別。不忍見芙蓉，年已此時節。
王庭訓 號籙峯南門人邑庠生為人謙厚篤學不倦尤長于詩壽九十七所著有自怡集

晚眺

策杖高崗上，平臨瞰大荒。夕陽紅掩映，遠樹碧蒼茫。

儂居縣志

卷二十五

詩詞上

五

世事情偏短，詩篇樂自長。磻溪堪尚友，把釣咏滄浪。

張

奇

字文瑞號涇橋西門人主事棟子邑諸生與兄表並有才名所著有鳴球集二十四卷

裡河舟中

疎性頻為客，孤帆向晚征。舟橫南渡水，風送越王城。隔浦漁歌細，遙山樹影平。十年湖海興，回首月東生。

送林九山博士

楊柳橋邊綠映枝，輕風吹動柳絲垂。柳絲不繫青驄馬，正是林逋惜別時。

送朱明池之京

一別京華去，頻將酒滿斟。行旌君獨壯，離思我何禁。

碧草含春色黃鸝弄好音何時重駐馬細話十年心
送應元山北上

東風送客上長安萬里春光破曉寒聞得都門花正
好滿城留待玉人看

遊廣福寺謁家先榜眼仲芳公像

寺在天台亭頭舊為仲芳

公別業

金殿承恩侍日光秋風蓴菜促歸航堅辭青瑣離丹
陛闕傍松磯結草堂遺像尚存雲裏寺賜衣猶襲禁
甲香咲予浪躡登山屐弓冶多慚髮欲霜

李一潮

字甫號牛山十八都人嘉靖間貢任

儒居縣志

卷二十五

詩詞上

五

景星岩

汨七塵世岐迢七景星路飛雲絕壁開啼鳥空臺古
林藏萬樹秋天歷千峯暮朝觀海日來夕撫斜暉駐
剛餘兩目清暫息萬緣苦故園咫尺間長安渺何許
怛然念人寰携書出山去

過戴滄州工部墓

二十年來不見君萎七宿草滿孤墳松杉送影疑聯
榻猿雀遺音似論文燈火半生雙劍合江湖幾夜一
樽分百年事業歸何處黯七長空對夕曛

寄第一瀚

聞欲投簪返故廬無勞嶺表問除書慚予羈旅渾無
補羨爾鄉園樂有餘僻性諒難諧世態浮生端合混
樵漁十年池草牽清夢指日黃花共酒壚

李一瀚 字源甫號景山一瀚弟嘉靖戊戌進士授安
福令擢江西道監察御史隨轉山西巡按陞

江西按察司僉事遷山東參議轉井陘兵備
歷四川副使陞陝西參政隨轉按察使陞山
東右布政使內擢應天府尹踰月陞都察院
副都御史居官廉介所至有聲卒祀鄉賢詳
傳見

早朝

殘星初月愧天扉漏鼓更鐘徹帝畿雲裡玉門金瑣
寂苑中啼鳥喚聲悲九重無事清朝夢百辟何庸倒

僊居縣志

卷二十五

詩詞上

五

夜衣不見長安車騎集獨將公服拜丹墀

水簾

十年卜築獨違願水石依然舊日奇樹移銀泉高百
尺洞門珠箔散千絲莓苔深處開雲榻松檜陰中逗
月磯湖海關情虛宿約北山莫遣更文移

張端理

字文怡號聽泉西門人嘉靖間任廣西思明
知事歷仕終鬱林州同知

寒岩

飄七境不人氣似古洞高摩煙靄中畫壁有崖先我
立莓苔無路屬誰通雲封短榻僧眠幾露滴長松雀
到重自計斷難孤此坐管將消息付春風

吳炳度 字朝徵號見屏厚仁人嘉靖庚戌進士除抽分主事陞南昌太守終雲南按察司副使

少濂庭

少濂深處閉來我爛心明霞入酒紅三世通家章阜下幾回走馬蜀溪東黃花壓岸低垂水翠栢連雲高散風最是層軒堪仰止不妨談笑月明中

顧弘潞 字敬文號劍湖懷仁人嘉靖庚戌進士授兵科給事以申救張尚書謫編民隆慶改元起

為刑科都給事陞廣東參政致仕

題女侄惜寶與妾阿香二烈 事詳貞節傳中

萬死中惟見二娥乾坤正氣得偏多貞心不許微塵染勁節寧甘白刃過魂委碧波精尚烈義寒蕪胆氣

僊居縣志 卷二十五 詩詞上 五

還呵明時關化皆旌寵未錄觀風乘爾何

吳時來 字惟修號寤齋厚仁人嘉靖癸丑進士授松江推官大召拜刑科給事中奏劾嚴嵩謫橫

州成穆宗嗣位起授原職隨轉操江僉都御史轉廣東巡撫降副使隨陞通政使尋轉大理寺正卿歷刑吏二部侍郎乃拜大中丞正色立朝知無不言卒贈太子少保謚忠恪所著有諫垣奏疏及寤齋文集詳傳

水簾

飛泉一道散天漿秋日來尋與獨長古樹逗雲迷怪壑迴風拖雨落空床疑騎鹿來匡阜還是尋花到石梁二十年前遊息處良朋此日咲携觴

南峯

朋來九日一樽同載上山堂納遠風招隱正逢黃菊
候放杯共坐白雲中江山推落驚秋晚鄉里蕭條喜
歲豐莫怪煙霞成痼疾幾人回首看冥鴻

送李景山之蜀

宣室詔初下慈門秋色賒星槎開八月玉節控三巴

迴雁峯

少小曾思五岳遊登臨奮動百年愁座中忽轉三千
界天上虛傳十二樓斗柄平臨高閣外雁鴻低度半
山秋南垓北關心同遠日斷瀟湘紅蓼洲

茶陵別張雀樓

僻居縣志

卷二十五

詩詞上

五

謫來萬里行將半恰到長沙話別離一水無端成舊
夢千山雖隔是前期吊經賈傳投文處吟想靈均誦
橘時窮海只今何計免樂天一語更無疑

登瓜埠

三山擁翠赴瓜州回首江南思轉幽鄉國蒼茫雲樹
遠客心縹緲海門秋槎船萬艘因風進燈火千家傍
水浮張翰扁舟何用早難將密意向人謀

贈鍾仁卿僉憲之廣東

送君南去意悠悠把酒翻令感舊遊五嶺雲山天萬
里三陽猿雀月三秋坐觀周易梅花發行倚吳鉤海

鯉收亂後民岩邴可問好將膏雨慰霄憂

陳定甫寄懷用韻

雁宕天台咫尺間山中桂樹若為扳幾迴見月生歸
夢萬里臨風老舊顏此日聖朝多雨露荷君高誼是
金蘭慰心賴有飛鴻在每遇春來一往還

沈

曙 字克樂號東明 人嘉靖間布衣所著有
白永集

荅戴國用

共言書可學搔首意無成杯酒知心事秋雲識世情
素交頻聚散俗眼半昏明一片藤蘿月清愁兩地生

蔣中穆

字 號萬揚街頭人郎中泮子嘉靖己酉
舉人

儒居縣志

卷二十五 詩詞上

美

廣度寺次毛同府

露輦行春上鳳臺和風輕拂曉雲開岩花色傍朱旗
動好鳥聲催玉輦迴獨馬幸驂留守駕窮簷欣覩大
夫來梵宮自此殊增勝為有紗籠五色裁

張可宗

字朝因號金田 人所著有適七吟集

聞草

短袖籠香藉碧苔一團真趣屬群孩杖藜不啻輸贏
事恐有芝蘭作草猜

戴從梧

石牛

中流獨立勢昂然頭鼻雖成不受牽四足未登紅錦地
地一身長浸碧波天無糧賴食芋艿草有力慵耕畷
畷田橫笛牧童漫鞭朴偷閑不動已多年

張

瑗

字端甫號任溪西門人嘉靖間貢任廣東南雄府訓導終周府紀善

飲秦中允席上用韻

僊郎別館對蓬萊秋日文筵向晚開盤出上方珍作
饌酒分中賜玉為杯珠談似逐星河動蘭抱真迎寶
霧來叨以故鄉陪勝讌轉于明世媿非才

徐崇黈

字論



號離泉大井頭人嘉靖貢任安慶教

括蒼洞

僊居縣志

卷二十五

詩詞上

七

洞門寂已靜塵埃舊日仙翁去不回夜月每憐丹灶
冷春風時見碧桃開僧留燈火傳衣鉢苔沒碑文臥
草萊往事妻京寧可數前身誰復說天台

尹彥

字明良號遇齋一都人嘉靖乙卯舉人除應天通判

荅謝從道山人

一從京兆賦歸來門鎖松筠久不開有客閑吟
夜呼童携取菊花盃百年浪迹鷗先得萬里湖山雁
早迴為問當年同學者燈篝可許傲雲臺

應存初

字復之號與山夏閣人尚書大猷子嘉靖辛酉應天中式授麻城令調繁黃安陞大理評事轉刑部主事以母老歸養詳傳

顧烈女石亭

烈女貞芳勒石端肩輿經過肅人觀未酌真志生猶
恨全復丹心死亦安夢遶桐溪秋樹老氣蒸孤嶺暮
雲連傳聞坐口授湖水凜七清風千古寒

應存性

字誠之號方山夏閩人存初弟嘉靖丙辰登
二甲進士授工部主事忤當路謫判茶林州
陞興國州同知轉常德別駕隨陞北京車駕
司郎中外陞湖廣鹽法道與姜學士不協左
遷思恩府太守致仕

斑竹

野昏雨暗綠雲頑淚

瀟湘竹尚斑夜半月明環佩

響西風吹夢到君山

僊居縣志

卷二十五

詩詞上

委

應存卓

字從之號弘齋夏閩人存初弟嘉靖乙未登
二甲進士授刑部主事陞本部郎中尋擢廣
西副使轉廣東參政以憂歸服闋起監軍貴
州歷本省副使雲南廣東四川各參政陞貴
州按察使尋陞右布政轉河南右布政貴州
左布政內遷太常寺正卿致仕詳傳

上巳雨花臺同董光祿姜祭酒小酌用韻

重來被袂翠微中鎮日清言興未窮白岳遠浮寒食
意滄波初斂石尤風法傳高座憑僧悟酒對空花與
客同飛蓋下山還帝里斜陽旺氣鳳城東

應存徵

字恒之號久齋夏閩人存初弟邑諸生工正
草書秦宗伯鳴雷婿也

紫雲洞

洞古蒼苔活懸崖著此亭微風綠葉響孤月向人明

露濕歌聲細雲深雁嘯輕更逢采芝伴携手話無生

盧明章

字用晦號瑞川峽陽人嘉靖乙丑進士授行人司行人擢監察御史巡鹽長蘆復命改順天巡按卒于官詳傳

送友人歸東嘉

五夜青燈對酒卮含情欲飲復遲遲孤懷天地同寥廓別意江山有夢思念我每勞千里駕贈君惟有兩篇詩相期莫負歲寒約春到須緘梅一枝

王湛

秋日遊桃花洞

登高試一望秋色滿平蕪山缺邀雲補崖傾倚石扶渴虹多飲澗怪鳥自呼雛坐覺斜陽盡峻層塔影孤

徐鵬嘉

立春日送吳寤齋奉詔特起

詔起長沙久逐臣紫宸口下望中頻嘉師有待沾霖雨聖主無勞問鬼神紫宸自隨香案古鼎鉉不改玉堂新班生自此登仙去天下應知始立春

張鳳來

字號東梧西門人嘉靖間茂才以詩賦草書著名見傳

巾山秋夕

霞城爐火古中州翠幘峰高晚更幽雁影海門千里月杵聲山郭萬家秋僧談往事殊今跡雀破浮煙似

昔遊忽憶都門搔首日白蘋江上不勝愁

余鼎字新甫號凝齋學後人紀善世忠子萬曆間貢除崇德訓導陞兗州府教授

舟中作

短棹孤蓬窄荒郊渚外漣開樽浮綠蟻引纜繞青山
鳧浴蓮房落魚沉芰葉閒斟茶聊續酒誰念二毛斑

進履橋

鹿走咸陽王氣收是誰傳檄釋宵憂赤蛇未洩興劉
識黃石先開釣渭謀結客縱橫驚博浪謝門宛轉逐
鴻溝片時領畧酌隆準敵艇當年萬戶侯

余盈字號靜齋學後人鼎之弟嘉靖間庠生

僊居縣志

卷二十五

詩詞上

李

野渡

殘陽來渡口立馬待虛舟貼水飛雙鷺衝人起數鷗
鬢斑驚照影詩拙愧臨流何不乘槎去長風萬里秋
應來字育仁號南麓西山人編脩良之侄萬曆間貢任訓導所著有步騫正續二集

會城值戍卒

病酒香宜酒迷花復看花誰知邊塞客萬里尚思家

旅夕

岸入窻中濕山過野外平一鞭非故里萬葉是秋聲
僕嬾賣衣薄燈寒得伴清不眠宵更永巾寫自關情

中秋後二日

客裏秋過半寒衣剪尺生風聲偏入夜虫响不分更
江海留年月文章托姓名祇疑仙佩近終夜月華清

山中開機

鳥道斜七不可扳丹楓飄出碧蘿間寒蟬聲裏西風
急旅雁群中落照闌十載烽煙生瀚海三更機杼响
空山希文頗有先憂志獨坐深更聽不關

張堂賞

字崇懋號禹門西門人別駕成德曾孫萬曆
間茂才爲人端亮尚氣節工古文詞所著有
英雄覽竹窻雜俎台忠
烈傳及紀年詩畧行世

遊華頂

一屐穿松上千崖引客幽雲歸山寺暝日出海天秋

僊居縣志

卷二十五

詩詞上

空

梵響藏空翠鐘聲遏古丘怡然叅大覺身世欲無求

中秋後一日再飲林芝瓢家

夜分雲斷月華浮曾抱明珠向孰投不數蔡邕能倒
履長恰王粲獨登樓清光滿座今猶昨浩思橫襟去
復留磊砢多君兄共第一年兩度醉中秋

隱居卽事

原十今錄二

澗水潌洄一鏡清疎簷時倩片雲併筆床茶灶漁舟
活細雨斜風鷓筵輕貧甚半生恣鬼咲閑多長日狎
鷗盟隋廷嬾獻文中策五湖籬邊飯菊英

其二

山城如畫曉蒼苔草屋蕭疎水遠廊鋤遍蕨薇支歲
月編成薜荔爲衣裳風來林末鳴松籟雨過雲根占
石床自是不才須老此煙霞久矣入膏肓

入新

舊夢何時覺新年此日臻屠蘇堪縱飲縫掖足閒身
得句愁隨去忘筌樂漸親嬾將微姓字懷刺覓先津
和吳悟齋中丞見示南峰雅會之作

白雲青靄鎖峯輕此日中丞狎舊盟疋馬曉空衝雪
片一椀春早泛梅英關城鼓角猶驚夢道路哀歌總
繫情况是溫公留洛社可誰動策慰蒼生

儒居縣志

卷二十五

詩詞上

空

廣度寺

捫石緣蘿仗一筇芒鞋平踏百尋松煙分古寺雲相
接苔滿蒼崖洞欲封客爲探奇忘遠近僧因離俗覺
疎慵天台咫尺應非遠掩映霞標萬八峯

石龍

孤峻不奔海雀龜豈守終時因風雨起能作一方霖

朱良翰

字思翼號冲寰洞橋人萬曆間貢金溪
轉會昌教諭陞湖廣澧州學正所著有嗣興

楚吟

二集

中秋舟次

誰家此夕不登樓嗟我橫槎棹碧流帆影半空千尺

月杵聲兩岸一江秋
蒹葭露冷鴻書杳
斗漢光寒劍氣浮
獨酌浩歌家萬里
孤蓬何日抵安州

寄張禹門

溽暑偏欺矮屋床
清幽城市亦山庄
井梧一樹籠新月
牆竹子竿占晚涼
曾記北圭連起臥
重怜東嶺隔參商
知心千里原如面
金玉休教頌食場

秋日都門別友

霜冷天高易水流
陽關三唱動新秋
故人兩地不堪別
行李半肩都是愁
燕市綠楊春浩已
鄉關黃菊思悠悠
從今月下風前夜
北向神州望斗牛

德居縣志

卷二十五

詩詞上

三

靜夜閑詠

官衙小已枕山邊
客思悽已夜似年
獨有松陰知我苦
夜深深隨月到窻前

蔣澤隨

字號思齋街頭人
孝廉萬揚子萬曆間
貢任松陽教諭

河陽春色圖

千年桃李色如新
爲有靈臺一點春
今日長松春更好
舒成瑞氣滿洪鈞

陳時璉

字號小南門人
萬曆間貢除奉化
教諭

署中聞鶯

閨齋寂已午
風清遶樹黃鸝送
好聲側耳不禁鄉思

滿聊將杯酒破愁城

李光祖 字顯之號定寰十八都人都憲一瀚長孫萬曆間茂才

尋春

滿路香塵起尋春思欲迷樹暗鶯出谷溪煖燕啣泥

金勒嘶芳草青樓瞰大堤美人遙弄笛聲送畫橋西

方德良 字  號葵懷板橋人邑庠生

秋登莊子臺

滌園舊史剩高臺蝶夢飄去未回今日登臨何限

意滿皆紅葉覆蒼苔

張源煥 字子惠號文寰西門人邑庠生

儒居縣志


卷二十五 詩詞上

齋

九日寓雲門寺

九日仍舊千里客傍禪聊自舉黃觴空堂寂上黃花

冷添得羈人恨轉長

王明樂 字汝韶號善所  人萬曆間布衣

小桐江

秋水澄江浪正平菰蒲深處小舟橫簑披煙雨江天

莞笛弄蘆花夜月明嬾把長竿頻釣譽不將玉餌去

沽名酬歌款乃乾坤濶疑是巖灘舊結盟

朱光勳 字惟弘號飲和河橋人邑諸生以厚德聞三子能世其學文章濟美至今尤盛

遊景星

旋繞山阿款步來山阿盡處更徘徊千竿竹影隨風舞
數畝茶陰傍霧裁鐘磬高懸聞白晝烟霞深鎖叩
黃梅浮生碌已真堪媿願酒楊枝浣俗胎

應汝化

字明叔號雲滇夏閩人正鄉存卓子萬曆乙未二甲進士授工部營繕司主事陞本部員外隨陞郎中奉勅督造坤寧宮以清謹受知于上由典山西鄉試復命擢江西叅政陞本省按察使改山東兗東道陞江西右布政卒于家為人端亮公忠禦盜平戎茂著偉績所著有敝玉堂集

舟過山陰

越山鏡水長春波一倍離憂風雨多欲喚芳樽無酒伴
漫憑畫檻聽橈歌垂楊夾岸穿行舫新竹編籬隱

儒居縣志

卷二十五

詩詞上

七

釣簑咫尺蘭亭芳草近可能稷事覓清和

懋濟源彌陀寺望雨

衛水縈城北孤臺界白雲亂帆靑草沒古樹碧煙分
麥浪翻風急田家盼雨殷慈雲如可惜初地望氤氳

次徐州

地盡江淮千里迴驛亭斜倚曲城開黃河蕩日寒聲
轉新月浮空夜色來相望帆檣輪國儲半空杼軸惜
民財銷沉霸氣遺殘壘故老猶傳戲馬臺

應朝卿

字行叔號蘭亭夏閩人存素子萬曆己丑進士授建安令調繁晉江擢山西監察御史轉兩淮巡鹽復命隨勅巡按湖廣後以母老賣王命歸省為有隙者所詆左遷丞平道尋陞

按察司廉使卒于官

別黃給事 原八今錄一

把手難如此何堪信宿歸酒杯深引慢柳色淡沾衣
咫尺風塵迥蒼茫日影微盈七衛水隔莫教德音違
吳錫鳳 字元儀號起林厚仁人萬曆間貢任廣東姚州通判

贈陳兵憲良訓

節鎮誰堪台海雄遠勞司馬出濟戎牙旗長帶隨車
兩甲帳猶餘攬轡風民力東南嗟往事使君宜慰慶
今逢聲名到處裴中立寵數重瞻郭令公

吳錫德 字迪甫號弘字厚仁人萬曆壬午舉人知縣

儋居縣志

卷二十五 詩詞上

癸

對月

風透閑庭暑氣清
蛩聲切處酒初盈
倚闌休對天邊月
一點光含萬里情

楊先春 字敬夫號心字三都楊岸人萬曆間貢除壽寧知縣以惠祿所著有凌雲山集

北雍徂暑

浪迹棲燕市
侵尋溽暑天人情
寒煖裏世變几蓬前
長夜螢穿幙深更月帶煙
鄉關渺何許直托夢魂傳

經九蓬嶺

九蓬高入空
明界龍馬遺踪杳
莫臻百折羊腸多岐
路千岑鳥道少行人
年來頻作塵中客
老去還留物

外身隱七青山應咲我白頭何事尚迷津

張鍾斗 字向之號岵瞻西門人堂賞子邑增廣生工詩尤善書畫所著有筠軒集

同吳弘宇孝廉昌雨遊虞山

買舟千里訪虞山天欲藏之雨故潺劍石蒼茫雲影
合琳橋黯淡練光環搜奇咲我痴如渴愛客多君興
水刪載酒賞窮瑤圃麗翻七不復似人間

秋柳次米大史韻 原十今錄一

亭七娜七舞金風鎖却愁眉逐亂蓬疎影獨橫芳沼
畔殘茵多入別筵中王恭春月容隨換張緒風流夢
已空最念楚腰消瘦盡攀條徒與晉人同

僊居縣志

卷二十五

詩詞上

七

守歲

燃燈看臘去冬酒把詩招梅影橫窻細霜花入夜驕
知稀還自貴寒盡不同凋架上無長物牙籤伴寂寥

乘醉同孔拜瓚步月孟川

醉後思逾浩相將覓勝遊繞溪蒼逕淡枕石白雲浮

山靜松流翠更深水臥鷗古人誇秉燭爭似月當頭

應世虞 字子韶號圖南夏閩人才瞻學博尤以善書名萬曆壬子舉人授新昌教諭陞徐聞知縣

及瓜陞雷州同知

送郭起吾業師北上

奇文出草萊彤廷三策五雲開龍門十載楊雄

風燕市千金郭隗才春色嶺梅家萬里秋風河柳首
重回不知何地開文運爲轉關西夫子來

寄張九華審理

二十年前事君今記得無斷橋歌月落曲檻聽潮枯
借燭翻碁譜敲門覓酒徒故人無恙不我覺髮毛疎
哭硯過硯向舟覆僅以身免有四哭詩今錄一

隻眼相看幾十年忽隨煙雨赴江天湘靈不索清平
調莫漫相遲采石邊

西湖翠擁

雷陽八景之一

一艇煙波酒一卮湖心亭畔暖風時芙蓉著雨胭脂

儒居縣志

卷二十五

詩詞

矣

濕濃抹西施睡起遲

方岩

聞道方岩勝捫維絕頂尋閣空雲不散心寂鳥相親

竹引千林籟松達十里陰問僧修幾世掛衲此禪林

季良木

字元朴

養初橫溪人邑諸生

應雲溟言 剛過訪

柴門長日閉有客破蒼苔絳節橫銅柱清尊覓草萊
連床追舊話剪燭理新裁媿我非驚座多君興轉培

徐崇桂

字文秋號雲培大井頭人萬曆間布衣

萬年寺

八峯浮寺出雙澗抱村流徑列松杉古門封蘭桂幽
僧歸時跨虎客至不驚鷗漫與山靈約塵緣一筆勾

徐彥色

字世振號心寰大井頭人邑諸生工岐黃術全活甚衆

對月有懷

京風蕭瑟宿雲收好月初懸碧漢流望斷楚天千里

杳清輝滿地使人愁

余棟隆

字茂吉號寓肩學後人萬曆壬子舉人任義鳥教諭

造廣嚴寺

覓勝登初地清幽觸處妍風翻松韻古露點石苔鮮

屋老雲分榻庭閣窈窕共禪悠然塵想息無事別求詮

儒居縣志

卷二十五

詩詞上

七

張源靜

字子存號養浩西門人天啓間貢考授教諭以孝稱所著有漱石齋集八卷

北回訪姑蘓李同政

燕市言歸客吳門訪舊遊廿年艱會面千里特維舟

湖海幾蓬髮風塵一敝裘心期能不負杯酒自綢繆

張源濟

字子羽號纓泉西門人知縣壤長孫邑庠生所著有栢園集

同應員嶠遊湯公洞和韻

春風載酒碧山隈潦倒塵襟此日開為聽鳥啼停竹

杖還怜花落坐梅苔雲根不動心俱寂簷影輕搖劫

自灰况復有詩同謝眺驚人句好共敲推

憶第

回雁峰前雁不回天涯孤雁獨悲猜菰蘆深處還堪
宿期向秋風一度來

崔欽寵 字存錫號蔚嶠白塔人邑庠生

尋撫琴軒 原一今錄一

近城到晚楚聲哇尋得焦桐第一家數點梅花輕落
扇半池魚尾淺淘沙無絃羞問松楸崔有約思餐石
磴霞蘿徑候君烟鳥過不知流水向誰賒

蔣盛輔 字佐德號葵陽柘川人啓禎時布衣詳傳

富春山

秋風乘一葉遙過富春山釣瀨人何在懸崖水自潺

僊居縣志 卷二十五 詩詞上 七

碑存文半滅楓落石全斑憑吊情無極停橈傍碧灣

林相儒 字道周九都人邑諸生

客中同吳森玉孝廉登高

汗漫萍踪不記還携壺九日共登山天南地北孟常
綠古往今來鬢自斑雁字影橫摩漢塔秋岑風落接
籬冠飄零書劍家千里惟把黃花仔細看

張越 字崇慶西門人由太學生除光祿寺錄事

盧家步

扁舟又是盧家步北望衡山思轉遠湘水不知行客
意隨風只向洞庭歸

張鍾璣

字璿之號斗垣西門人邑諸生

南峯

晴峰登望迥繞徑白雲斜古栢低荒刹空林起亂鴉
杯啣山外日茗煮洞中霞坐訝松聲滿春風觸處奢

張鍾音

字律之號九華西門人天啟間貢除樂清教諭歷湯溪教諭蕪州教授陞益府審理正卒

祀鄉賢
詳傳

渡楊子江有懷

長江奔注碧光浮高浴辰星夜半秋界斷乾坤成創
限平分南北鞏金甌月寒吳火燃波皺風急曹舟拍
浪愁誰預當年雄鉅事欣然躍馬整貂裘

儒居縣志

卷二十五

詩詞上

七

黃嫦娥

評菊原十首今錄二

霓裳舞罷夜將闌換着鵝黃幾種衫知是秋深情不
禁曉携雲雨下人間

荷花紅

羞向深宮似六郎前身甘自委秋霜只因傲骨依然
在故傍

吳錫岱

郎中

厚仁人都憲時來孫由廕生在工部

別後懷王給諫

熊耳山頭雲滿山雲陽峽口水灑潺故人昨夜蒼茫
去知泊瀟湘何處

